

百
名
家
詩
選

小引

魏子曰貴竹大中丞曹先生世之所爲祥麟威鳳也麟以其明燭天下鳳以其文儀百世望者驚爲神異而麟與鳳自若也故石光電火華蟲野雉亦得以其能自振于一時予少長學詩從無一人知己獨大叅陳綠崖先生拔之塗泥壬子持節入黔初晤中丞便加獎借而中丞不棄以一介使緘所著澹餘集歷湘沔度章淮寄于子鍾阜之下余小子端策拜受曰不腆鄙才未

敢以糠粃先也其毋忘大夫之德乃浣薇露恣
丹黃拔其所爲雋腴者曰此鮑參軍謝宣城也
拔其所爲幽峭者曰此元次山孟襄陽也拔其
所爲奇特沉鬱者曰此李青蓮杜少陵牧之也
手抄而什襲藏之至魏博山質孔觀察曰山左
人文接踵皆以三百篇爲鼻祖白雪樓旣已奉
桃隱秀軒當祀別室起而陳俎豆次昭穆者舍
此其誰觀察熟讀微笑曰吾其尸之使雲仍羅
拜因以余抄本授剗氏且祝之曰麟不必遊

郊而厥不必棲桐也與天下百世共之可也

百名家詩選

福清魏 憲惟度輯選

曲阜孔胤樾心一 嘉興李良年武曾

參

晉江陳寶鑰綠厓 南城吳學炯星若

曹申吉 字澹餘安丘人

庭鳥

樹樹烏棲遍人言羽族微
尋巢穿葉度帶雨引雛飛
啼早憐朝景歸遲睨夕暉
庭中雙鶴靜常共爾相依

寧陽道中

暫喜微涼至能令暑氣清
斷虹侵雨足遠樹隱
雷聲細草村烟合殘陽
堞影明更從雲起處依
約聽流鶯

途中卽事

長途百里少炊烟荒徑孤村動客憐
幽澗靜涵人影度斷崖高峙雨痕懸
近城雲掩峰峰日隔水風吹樹樹蟬
更喜東來晴色好悠然遠見泰
山巔

東墅小集

別業蕭然暑氣晴
蘭舟過處午涼生
樓臺傍水時留影
竹樹臨風半有聲
隔岸烟沉漁網急
入園苔靜鳥歌輕
閒中莫使芳尊淺
疎雨殷雷近暮城

霧中趨事景山

曉色兼寒霧霏霏
紫禁濃深林遙聽
鶴齋殿迴聞鐘煙
靄籠千騎蒼茫辨
一峰還疑垂法雨
處處白雲重

冬曉偶作

九衢曙色遠浮空
馬跡車聲日日同
永夜霜飛十戶裏
曉來寒滿一城中
窮陰天地仍含雪
極目雲山更度風
聞道時巡在郊甸
漫疑黃帝訪崆峒

青州道中

沙邊鷗鷺識歸心
迎客羣飛更度林
到面山容如故友
近城人語盡鄉音
千年霸業荒丘在
十里西風柿葉深
欲買雲門樓閣處
古巖幽洞許

相尋

蠶多桑盡聞有瘞蠶土中者作春蠶怨

養蠶苦不多蠶多桑葉稀葉稀猶自可時復空

筐歸

解一

歸來見蠶饑對蠶寂無語餅中數升粟

不堪持飼汝

解二

主婦怨春蠶胡不生雙翅不見

滿園蝴蝶飛艸間栩栩無人倭

解三

主人自外來

呼婦首常俛今年絲貴官租急願蠶忍饑且成

繭

解四

春蠶怨主人爾貧何相迫我聞亦有朱門

客線車不動常衣帛

解五

陌上桑既盡餅中粟亦

無人蠶相對饑空腹兩躊躇

解六

主婦同主翁長

跪謝天蟲未忍相看死狼籍不若汝先歸土中

七

解呼兒助舉筐螭蠶桑樹側徘徊不能去婦子

淚沾臆

解八

日長困臥時鄰家聞線絲回念二三

月力盡爲阿誰

解九

乘時速植桑滿墦沿門更乞

來年種待得桑葉再生時攜筐一上春蠶塚

解十

賦得萬戶搗衣聲

商節初移律輕砧已滿城背人收篋笥結伴向
簷楹月照高低影風吹斷續聲夜涼深帶露苔

靜亂飛螢細草時侵袂寒蛩更助鳴哀音隨腕
歇遺響繞堦清遠塞書難度空閨夢易驚忽聞
何處雁還動去年情

觀灘水

長川如鏡碧潄潄浪逐西風秋色繁殘照入波
斜見影亂雲依岸半留痕舸輕細細魚鱗動樹
遠青青鳥羽翻更欲乘槎問河漢孤村烟火易
黃昏

曉行山中

早起羣山入望中
煙嵐深處徑纔通
雲聯雁度千村曉
馬帶霜寒十里風
晴色乍開峰近遠
泉聲遙隔樹玲瓏
何年蟠屐扶筇去
沂嶺丹楓興不窮

過開山作

循山一逕晚氤氲
寒色凌空破碧氛
寂寂雁鴻霜外度
青青城郭望中分
斷崖半隱林間雪
層嶺遙通海上雲
西北更窮千里目
荒煙無際客思紛

雪後行泃水道中

大陸層陰澹夕暉
雪光搖漾日光微
亂雲古道瑤華滿
淺艸平原獵騎歸
陌上烏鴉啼樹切
橋邊流急帶冰稀
遙遙更聽茅簷外
冷絕雞聲出板扉

栽蕉

吹水青三尺
當簾綠一叢
心舒仍帶雨
葉聚漫搖風
未覺秋聲恨
翻憐鹿夢空
無情蔽萱草
彈事莫相攻

出獻縣復登小舟行二十里作

荒城南北水連空
三載重過歎轉蓬
高下波光茅屋外
遲來帆影荻花中
雲聯瀛海千層浪
日淡滹沱兩岸風
多少輕鷗隨小艇
何如江畔問漁翁

早春過天寧寺作

春光五日望中明
客思還從郭畔生
山引晴雲遙度闕
塔分夕照半侵城
松杉覆院兼香影
鈴鐸臨風雜鳥聲
乘興欲窮人境外
峰巒無際野

煙橫

題望石亭子

幽折時來選尊開破旅顏雲歸春館
暝月淡水亭閒綠入煙中遠青從柳外還
行當乘小艇共泛蓼花間

夜起聞雁

何處征鴻急閒聲逐夜涼
星明遙辨影露濕暗分行
秋抱蘆邊月寒生塞上霜
帝城有歸夢應共爾南翔

九日送吳虞菴先生歸省

秋深西望遠煙清無那登高復送行江畔彩笺
天子詔尊前黃菊故鄉情寒生漢浦迎征蓋
落津門悵去旌醉把茱萸催客棹相思應念北
鴻聲

九月三十日作

時家兄
初至都

西風輕轉曉光涼庭樹依微鳥乍翔日淡猶懸
昨夕雨雲寒欲護一林霜賴銷旅况耽杯綠擬
送窮秋戀菊黃十載緇塵雙眼潤鄉心細細話

連牀

立冬日集滴翠園同崔老山綦松友王阮

亭賢家兄升階二首

秋盡空煙裏，耽幽逐夜涼。
庭閒偏受月，樹老迥宜霜。
人影浮寒渚，歌聲韻野航。
還疑輞川上，同結薜蘿裳。

水氣臨冬歛，平收夕照閒。
孤猿寒抱石，羣鳥晚依山。
月淡蘆花白，波明樹影斑。
勝游常可續，何事憶柴關。

寒中偶興却懷家兒

寒聲催短晷夕氣散遙陰河淺冰偏結城高日
易沉十年塵外跡千里雪中客路今方半離
憂一倍深

冰牀行

長安冰牀穩於屋大不盈丈足無輻遙望還疑
河上舟片帆不見行空速數人箕踞一夫牽寧
似篙師徒艤碇北風吹寒冰正堅兒童奔挽兼
水陸更藉輶輪耀暇明衝塵足倦羣相逐寒威

漸減春漸來。天道由來易轉覆。一日須牽一百
回。乘時早渡愁足跡。須臾河畔柳新青。驢丁歡
喜。爾曹哭。敲碎冰山喚賣冰。銅盤自碾冰千斛。
六日貯雪罌中偶成四韻

長安清事滅藏雪。及春期寒聚爲山。易光凝得
月遲石邊深可掬。竹杪潔偏宜畱待茶。香後旗
槍欲闕時。

人日雪中野眺

雪深天地冷。太望轉空濛。鳥度冰潭側。人行玉

鑑中山遙微辨岫野曠迥聞風更想疎林外煙
光漸不同

春陰

漠漠春陰淡早空窻光落几壁光融花遲并讓
三春色雲薄能禁一夜風繞屋垂楊殘雪裏隔
簾烏曉寒中未知芳艸城南陌綠到溪邊第
幾叢

折枝牡丹

名葩紛上苑分折到閒門窺鏡紅如笑依簾翠

欲翻風吹渾不如香滿竟何言尚憶陪游處花
叢覆輦痕

晚雲

出岫曾何意卷舒欲暮天隔城遙帶雨近樹啼
浮煙乍歛山腰重微明日脚懸更須分彩暈深
處護蟬娟

立秋夜作

積雨催秋至虛窗一半明光分殘月影涼入早
蛩聲風細初侵簾雲歸尚隔城敞廬滄海畔三

載廢躬耕

晚行宿野寺作

晚行堪待月東上倚雲根鳥歇林光霽蟲鳴豆
葉繁秋煙紛野逕涼露下高原入寺鐘聲寂還
清旅夢魂

奉 命致祭南嶽

帝命乘輅出湖湘亦舊游才慙三禮重地滙萬
川流閱歷勞青眼行藏作白鷗衡陽遙可想七
十二峰秋

五嶽今方一浮生興不窮香分 天子詔秋老
大王風楚澤荒煙合中原落木空名山真誥在
那與臥游同

題天琴亭

昔人論琴理難於指上聽淵明好無絃言下聲
泠泠誰知天地音悠然會此亭鼓掌清籟集抵
壁亦鏗鳴人去聲俱寂彷彿衆樂停起看秋月
白迴眺秋樹青浩浩有奇趣因之暢性靈

雨中登小閣隔江望黃鶴樓有懷

水國行多雨，
場來值秋暮。
北風號晝夜，
踟躕漢口渡。
登臨愁白浪，
冥冥勞四顧。
隔岸眇危樓，
朱甍若烟霧。
古來號名勝，
才盡崔顥句。
佳什至今傳，
仙人渺何處。
極眺但蒼蒼，
雲遮漢陽樹。
黃鶴爾飛來，
予欲凌江去。

霧

水國夜偏寒，
江上行多霧。
我來名山側，
步步勞返顧。
九背還九向，
曲曲湘流趣。
舟楫窮所歷，
野泊無定處。
一氣迷昏旦，
咫尺荒煙聚。
蕭瑟天邊

岫若茫巖際樹雞太白雲深猿鳥青冥住孤
已百折遠道更千慮灘子慎早發踟躕愁虎渡
日色盪遙波啣啞凌虛去

僮輩走亂山中折梅花數枝置瓦餅內爲
賦

曲逕攀蘿一杖登折來冷蕝伴孤藤呼僮欲問
探奇路香到山中第幾層

陰

窮陰迷楚道城內亂山多鳥影低寒雨雲光澹

晚波故園荒蒨荔孤棹阻江河安得晴帆轉吾
當趁釣簑

武昌雜詩三首

鄂渚一帆停高城色杳冥臨江郭舍白經雪菜
畦青豹霧連山暗颼風拂浪腥南天多語鳥日
日雨中聽

隔岸晴川影帆檣觸浪奔禹功江漢大楚俗鬼
神尊地濕陰當盛天低日易昏荒洲猶寂寞詞
賦擬招魂

入夜覺寒增山中雪幾層經旬稀見日絕岸半
依冰遠夢堪尋蝶浮生只杖藤危樓仙蹟在今
古記誰登

雨中晚登黃鶴樓同丘曙戒別駕

茫茫萬里楚煙收日暮登臨江上樓帆影高低
紛遠浦山光明滅枕寒流雁鴻暗入浮雲色鸚
鵡遙生異代愁天半相携還把酒滄波回首舊
瀛洲

雪

楚天風雪一孤舟
永夜寒光映敝裘
萬疊帆檣雲際沒
千家烟火畫中收
茫茫祗訝山川合
歷歷還疑城郭浮
江畔淹留傷歲晚
落鳬飛雁滿滄洲

雪中抵黃州

蒼茫天一色
雪岸界中流
帆影遙侵樹
山光暗入舟
風煙寒赤壁
詞賦重黃州
三楚經行徧
春來倦遠游

江上守歲

高枕天涯任歲徂
西江波浪接南湖
風吹峭壁疑飛動
雪擁廬峰乍有無
荒岸烽煙酬節序
野醪斟酌應屠蘇
乘流志已馳吳會
一氣茫茫大小孤

戊申元旦時泊舟湖口二首

誰意荒江潄蕭然
度歲華
漱流差免俗
泛宅尚無家
聒耳鄰舟鼓
開心野戍笳
終慙廬岳隱
空返漢臣槎

望裏波濤合春帆
此日晴山猶天外
影江是去

年聲濁醖酬僮僕孤舟絕送迎流光渾易擲遠
客轉須驚

小孤山

屹然自鬱蒼拳石水中央峭逼波濤動寒凌日
月長片雲穿鳥徑餘雪冷僧糧愁絕攀蘿客那
亭覆上方

晚發安慶

月落早潮生乘流下皖城聽鴻疑故友使馬趁
初晴岸草新春色江濤舊戰聲青山同過客到

眼費逢迎

池陽絕句

池陽山色晚冥冥
九子峰高峙玉屏
簫鼓遠來頻賽社
一江風定佛燈青

早發荻港將抵蕪湖道中作

野望茫茫白陽光
水上浮陽鳬舫春
避漿星月夜隨舟
曲抱峰腰轉平涵
日脚流蕪陰圖繪
裏終藉午風柔

過梁山晚泊采石二首

設險江干戍金陵重上游天門高并峙

梁山一名天門

石壁峭常浮浪濺寒雲濕風飄晚磬流遠燈勞
指點還似泛漁舟

勝遊疲耳目晚泊罷登臨春入魚龍氣山通潮
汐音蕭森孤棹雨峭拔半江陰高咏留清響荒
祠自古今

偶見

偶見垂楊覆遠亭雪紋猶界亂松青畫眉依舊
眠雕檻鴈鴒偏來浴淺汀

采石紀游

江邊人影石欄齊
夕照平臨小艇低
青接遠亭斜有徑
黑窺深洞峭無梯
虬枝霧結仙樓迴
烏道雲盤大壑迷
長揖前修生逸興
忘歸偏在翠螺西

法黃石方伯劉仁侯臬長杜子濂大叅招
看吉祥寺古梅黃石賦二律見投別後
卻寄此作

梅陰深藉曲欄遮
寂寂琳宮閣歲華
半落乍疑

三尺雪冷游猶認六朝花同心載酒香分展別
思臨春月滿槎歸去琅玕欣在握疎枝回首已
天涯

燕子磯泊舟

羣山忽盡碧江頭片石孤撐萬里流
路界荒煙斜到寺波涵夕照暗隨舟
鳥聲乍接高峰磬雲影遙侵絕浦鷗
斟酌春光巖際好徑須策杖一探幽

邵伯道中

隋苑淒涼事已徂
繞隄依舊長蘼蕪
一帆暮雨揚州郭
二月輕風邵伯湖
野塢煙深藏乳燕
春塘水淺露晴鳬
小窓漫擬淮南賦
招隱千秋尚可呼

司吾驛早發

朝曦掩靄上荒林
野燒微茫古道侵
芳草時時通遠夢
閒雲處處識歸心
三春雪影畱吳舫
臘月鴻聲憶楚砧
到眼風光看漸異
烏啼竝入故鄉音

雨中曉行

雨色冒平陸遙嶺光明滅夜來曾宿處淡淡村
煙發布穀語方熟喚晴鳩乍歇曉謁櫻桃花野
岸飄芳雪微陰忽蕩潏泠泠幽澗折行役踏遠
春屨負芳菲節園林暄新霽延竚青薇蕨蔽襖
難及期目極翻內熱

過潞山二絕句

白鷗宅已荒青山影幽獨垂釣舊時翁湖心擬
結屋

菰蒲夾岸生葉葉青如剪平接麥疇風微動波光淺

酌笑泉

濟上懸流萬壑殊空冥咫尺接平湖傍巖忽散
高低雨濺石俄傾大小珠四照山光圍雪浪一
天雲影浸冰壺樓邊白鶴傳遺趾欲向蓬瀛問
有無

濟南奉別家兄

雙鴻不相見抗音思翱翔和鳴復幾時振羽忽

分行載脂千里車念別迫中腸濟水通遠夢同
宿仍故鄉東西戀岐路各慎天一方是時春欲
暮狂飈日飛揚飄我若浮雲繚繞華不岡吾廬
成逆旅顧影轉蒼涼君歸汝水上離離春草長

趙北口道中

紅塵忽界碧波迷水面斜陽映柳隄野鳥頻窺
漁舍熟春煙乍斂鷺田低吹來荇藻雲千頃望
斷桑麻雨一犁憶別木蘭舟隔月風光猶似射
陽西

又口號

昔年頻過總新秋渺渺湖光接漢浮
今日重來春乍暮白鷗青艸伴漁舟

祖園集飲應易齋先生召

水亭遙碧浸清池蟬語幽尋步履宜
籬畔豆花縈紫蔓午餘槐葉綴青絲
壺觴涼就風來處荷芰香生雨過時
天外斷虹隨馬足歸雲遠岫共參差

雨中啟事

間闔門高四望通
涼生丹陛曉光濛
雲煙半濕遙山外
鵬鶚斜飛細雨中
苔滿梁恩三殿影
萍開太液一池風
乘秋願上金莖頌
執戟長楊未許同

雨後

涼逐雨餘生疎星
照禁城鵲飛牽霽
影鵲舞助秋聲
玉陛雲中洗金莖
象外清羣峰遙在
眼浮動日華輕

夜涼絕句

夜涼擊柝罷高城露下棲鳥一半鳴
銀鑰重開
渾未啟西風吹徹御溝聲

九日望石招同易齋敏公冰壺三先生作
庭北山年丈泛舟梁園移棹訪書雲黃
門聽歌劇飲四詩紀事

共愛三秋色相携九日來晚波嵐氣合斜照水
亭開莢結搖新佩杯香理舊醅避人移小艇緩
咏當登臺

携觴兼載菊共泛一塘中夕澹霜前月涼生柳

外風波澄山影見

舊築雨山爲水所沒

雲靜雁行空絲竹

行相引清宵樂未窮

燈火參差影臨流一道斜尋歌通遠岸移棹到
隣家愛客增觴政開簾受月華祗疑銀漢裏頻
許泛仙槎

良會今能幾浮生興不違樂同濠上客歌傲郢
中兒露下茶煙濕舟迴樹影隨何須驚落帽醉
任晚風吹

九月行欲盡

九月行欲盡千山髮衰草凌風叩閭闔勞人起
常早明星爛震隅耿耿苦難曉寒月澹無聲流
影高城皎抱寂衆囂外冥心萬籟表鐘歇鴉半
啼葉彫樹乍小侵髭霜氣白渾疑座中老感此
歲華頻益我歸思繞

冬夜四首

酒滴槽床夜有聲擁爐深處燭光橫殘書更乞
兒童讀遮莫鄰家絲竹鳴

野人獨愛梅花瘦少婦偏憐茉莉寒好伴黔婁

爲一榻日同脩竹報平安

燈前弱女未能嗔學語誦誦索果頻遙憶家園
梨棗會含飴應念客中人

欹枕時聞茗盞香紙窓不隔月微茫瓶中賸有
陶潛菊傲盡長安幾度霜

小引

魏子曰風雅之興必有所由起上之人憑高而
呼下之人疾聲以應鼓鐘鐘鳴吹角角動蓋有
機焉匪倖致也 本朝崇尚雅樂士大夫之重
文教審音律者無慮數百家至賡喜起奏郊廟
襄平佟氏爲最著憶我閩僻處海嶠懷東滙白
兩中丞前後秉鉞其戡定之功一見之詩至今
車攻吉日之章猶歷歷石鼓金崎間也戊巳之
交先大令仁若公杜門守正懷東先生屢顧草

堂吟詠贈答無虛日且以聞于朝有特起之

旨甲午之役余悞副車滙白夫子監厥事爲
歎息者久之至以詩相慰畱寓白門爲襄詩持
之選進告之曰詩是吾家事家黔撫高岡少壯
登朝功業爛天壤且旁通騷賦有刪定功余向
往徒慙以未得其詩爲恨忽黔叅陳絲厓憑及
門與星若遠寄先生近集且云至貴竹無好懷
惟把此過日耳余得之喜可知也因共西川張
又益焚香快讀珍諸行篋至辛亥秋中攜之渡

河與衛郡太守程念伊先生較論太守極爲欣
賞謂風雅領袖實在於茲遂以付梓雖曰吉光
片羽乎狀鼓吹休明端有賴于斯集矣

百名家詩選

福清魏 憲惟度選輯

安丘曹中吉澹餘 晉江陳寶鑰綠厓

輝縣龔應熊渭公 內江張祖詠又益 叅

佟鳳彩 字高岡襄平人

過襄城首山

汝水驅車馬揚鞭指翠屏猿號清澗落鶴唳曉
嵐輕遠樹連雲淡微風拂草青軒轅曾問道畱
咏寄山靈

昆陽城

百萬雄兵聚中興事績開北環澧水曲南應豹
山隈曉霧連還斷寒鴉飛復來相傳漢地古對
景漫徘徊

草廬

遠上龍岡入草亭陣圖四壁燦辰星風生錦水
飛濤白烟淨黃山遶樹青潭底龍蟠寒月皎廬
中人去野雲扁獨憐漢相簷前鳥訴盡春愁不
忍聽

喜晴

蕭蕭陰雨谷川平
一夕雲輕喜乍晴
霞射水邊驚宿鷺
月來樹底起眠鶯
嵐光欲染前山黛
花色新從小洞明
最是雨餘風景好
斜陽分照古襄荆

過辰州石門關

石門壁立與天齊
古木陰森一望迷
人跡半空驚語墜
馬蹄隔澗帶雲躋
峯峯相應爭鳴谷
水水重連襯仄蹊
秣馬登臨鄉思遠
夕陽斜挂界

亭西

春思

幾回望斷古沙塲
更值春嵐映繡房
絕塞霜飛三月冷
中原春到百花香
空將孤枕和衣卧
懶向銀缸對粉粧
歸雁不來何處阻
今年又比昔年蒼

寄陳祇貞

握手東郊話別長
明珠隱隱向漁陽
玉泉景色三春雨
金筑風光六月霜
白髮猶悲花蚤落
青

雲更羨鳥高翔關山久阻離歌怨人事音書仔細詳

春遊

晴州輕鎖綠楊斜隔岸芳村四五家簫管韻傳枝上烏輪蹄踏破路傍花

觀射

揖讓稱君子懸弧古道隆軍屯喧書鼓馬走挽雕弓玉羽飛星疾金鞍耀日紅成平崇武備應慶萬年功

雨中遊習池

芳踪自古著，况復構新亭。
細細泉聲冷，峩峩岫靑微。
波傳翠遠好，鳥送音冷佳。
景斜陽外江，風動綠汀。

子夜水聲

何處流漸下，疎鐘隱不鳴。
夜深星影燦，澗險水聲清。
萬里還家夢，三秋作客情。
朔風吹畫鼓，邊月入窗橫。

春獵

花外雨聲連牛斗起龍媒

乘江秋水揚帆去江北江海疑倒流借問武陵
何處武陵吏已歸洞庭水

昔日曾山共客遊今朝花鳥動離愁宦情遠去
人空留渭水雙雙白鷺洲

溪山曲曲白雲邊
孤公高下連石壑逶迤
迷江路遙聞樵唱同南天

雲氣飄飄紅日已斜遊客停驂

邨店遙白雲橫處兩三家

疊峯恍似秦關險疲馬遲遲過五溪聞道伏波
遺跡在淡雲暈共古碑齊

百尺長松咽暮蟾荔溪橋下水凝旋山行舉步
浮青遠細雨縈烟障碧天

芙蓉一尾方流東燕語鶯啼感慨中花落巖疆
春去早雨消正岷夢成空

淡淡愁雲映落暉縈烟細雨逐風飛魚軒曾伴

春去早雨消巫峽夢成空

淡淡愁雲映落暉
縈烟細雨逐風飛
魚軒曾伴東西地
空吊羅幃月裏歸

東風爛熳正梅香
春雨連綿逐雪忙
客子傷心何處問
滿天霏霧暗紅妝

烟雨微茫翠色昏
每從月夜鼓莊盆
傷情惟向南枝泣
楚水黔山萬里冤

毓秀何方此地違
風裳水佩白雲飛
梧桐葉落逢秋雨
漂泊長江去不歸

邊靜蠻烟息春閒塞馬肥和風吹畫鼓芳草映
龍旂北顧龜沙近東馳楚水依歌詩崇聖教演
射壯軍威疑虎嘯弓疾非熊卜夢徵山深孤樹
直日煖凍花稀去白靈泉過還從振武歸廵行
垂墊甸田獵挂鵲衣

採蓮曲

夏池接水積江平池上芙蓉出水生船內歌聲
雲外響蘭橈搖動綠波明綠波宛轉遶芳甸雲
外清音猶未散娥娥玉顏紅粉粧纖纖素手王

孫看王孫一看水天空越女新荷玉貌同池畔
戲撓雙腕白禁中苔印小蓮紅磧沙顧步兩鴛
鴦花際徘徊蛺蝶狂豔捲夜舒隆漢帝如珠似
斗盛昭王古來美色人所羨况復提舟新相見
願入清波作並頭願爲皓月分嬌面

過朝歌同陳祗貞周潞公遊故藩舊居

客路驅車衛水前暫停翠閣聽啼鵲峯屏倚夕
飛寒霧石榭連雲動碧天萬井蒼茫同眺望百
花明媚自踰躔登臨對此情無極酒罷詩成畫

鼓闕

晚登保安荒城西望小頂山

碧嶂青青翠色橫
夕陽直射古荒城
亂峯烟鎖層層秀
瀑水晴懸漾漾明
鳥弄餘暉綠樹語
樵迷幽徑帶雲行
停驂西望饒佳致
遠隔關山憶帝京

武侯書院

名臣舊地已荆榛
紅散苔紋點暮春
殘碣陰森寒翠栢
層樓寂寞暗青燐
錦城宮闕成堙跡
劒

閣勳醖燦北辰極目郊原追往事三分漢鼎恨
難泯

晚渡漢江

山接荆梁聳翠屏源泉直溯漢秦清蘭舟搖動
蟾光亂錦浪滌洄雲影停波勢排空玉壁覆濤
聲拍岸雪門局上游自古稱雄據幾許英豪昭
汗青

襄城書院

楚天寥濶白雲橫斜日西巖漢水平千里風塵

還駐馬數楹書院暫披荆簷前桃李渾無色窗
外松篁尚有情寄語東風莫漫妒空堂寂寂伴
餘生

聖峴山懷古

疊峯聳翠枕襄流遙憶當年叔子遊恩澤遠濡
吳國士嵐光冷射鹿門丘猿號山外檀溪響人
到碑前墮淚浮極目靜隨孤鷺去遺芳時共白
雲留

襄陽喜雨

久旱三春麥未收，濃陰霖散千憂。
垂麗洞朝雨，無情長蔡州。
快覩平郊，遙映秀伶。
逢客路，暫相留。
公餘且把詩情寄，霽後還堪對。
漢流。

釋鴈

蹏騰獵騎下巴西，曾騁雄姿擊後視。
畫角聲高，才自捷，朱旗影動，勇難齊。
秋風遠道，空思夢夜，月長羈。
對影栖，獨解雙條，憐健翻應知。
矯矯作雲梯。

隔岸春雲

澹澹烟霞映夕暉陰連村樹傍江飛花間蝶版
香隨舞柳外鶯聲韻轉微隱士不來清興杳館
池空在昔人非多情惟見春雲好歲歲輕沾衲
子衣

長夏江風

千秋名士隱山隈自鑿方池伴草萊白日橫空
嫌畫永清風拂面羨天開野鳬還逐驚濤沒小
艇輕隨錦浪迴徙倚茆亭頻吊古山翁習氏幾

時回

大田署中望屏山

泝水涓涓日夜流石屏橫翠古今留
數椽栢府雄邊徼一派寒光宿斗牛
月朗關山明似畫雨飄蠻洞冷如秋
故園桃李今應熟却望飛雲欲共浮

九月同卞大司馬偕諸公登貴筑東山

暮年萬里白爲寬小整杯茗盡日催
檻外河山刈瘴靖閣中星斗玉霄寒
黃花點點籬頭綻聖

水潄潄郭外盤菜佩歸來忘落帽雙雙燈火照
雕鞍

庚戌新春同井大司馬及諸文武郊行

淡淡雲烟柳欲低旌旗搖動映春畦
堤梅韻送黃鶯語錦轡光騰白馬嘶
百木欣欣迎劍珮千鏗肅肅耀林溪
歸來鼓角邊烽靖惟見家家剪綵齊

江雨

水濶侵荆土山高傍楚雲舟眠多客夢長日雨

紛紛

宛丘途中卽景

輕蹄踏細草
曲水傍殘紅
好鳥枝頭語
鄉山雲樹籠

桃源洞

天台別有路
桃洞尚存源
漁子忘情後
遊人空自言

思歸

浪跡風塵裏
何如一醉眠
家山秋夜月
光滿竹

林邊

白鸚鵡

隴客鄉山遠雪衣暗渡關能言雖有用籠絡在
人間

送小兒賦斌北歸

抱首荒郊下傷心不忍歸情懸千語外未吐馬
蹄飛

江行

曲江芳草滿綠岸起眠鷗隨浪孤帆遠雲山入

水流

過演易臺

曉風寒露透征紗
演易臺邊舞亂鴉
雨灑斷碑
奇偶碎數家
烟火傍青霞

峴首晴嵐

山山雲外翠橫屏
雨後晴峯色更青
落日斷霞
紅欲染無邊風景
映茅亭

鳳磯濤聲

仙禽遺跡淡江隈
危石橫流水自迴
錦浪光浮

小引

魏子曰今天下盡談詩矣東南以詞華勝西北以氣力雄而要皆程于法法得則詞華與氣力無偏至之譏方伯楊猶龍先生詩軌于法者也以少陵爲宗然少陵于法有變化之功猶龍于法見準繩之樂近代善學杜者李獻吉鄭少谷外無其人而形似神合之間論者嚴之今猶龍擅二公之長而深于法幾幾乎登浣花之堂矣昨栢鄉魏相國以方伯遺詩遠寄余扁戶伏讀

匪兩旬拔其雅馴者質諸孔觀察曰猶龍詩無所不備五言近體可謂長城非全師十萬不能攻五七言古則垣墉也七言近體則藩籬也合好掩惡使觀者不得窺其內藏亦宵以深矣然吾聞猶龍生平探程朱秘旨與魏環溪申鳧盟諸先輩互尊性命之業相國與觀察皆以所得相左右則其流溢于詩者方伯之緒餘也又何難于登峰造巔培塿諸子也哉觀察乃欣然首肯曰然子且論其詩可矣因取其學杜而深于

法者復栢鄉之命

百名家詩選

福清魏憲性度輯選

栢鄉魏喬介貞菴華亭董俞蒼水

曲阜孔胤樾心一福清翁白未青

叅

楊思聖號猶龍鉅鹿人

秋夜感述

空院響梧桐夜永秋方半竟夕不皇寐沉吟坐
成歎披衣步前楹仰視明河爛初月出未高衆
星縱橫燦南有孤飛禽肅肅厲羽翰霜重儔侶

失哀鳴如有怨苦被凡鳥猜顧影自驚彈和
志已違鳬藻非所玩何當矰繳收飛飛入雲

濟寧道中書所見

水氣噴山浮洪流迥奔峭天際環如繩落日迷
蒼嶠虛舍潛蛟龍鷗鷺相呌嘯濺濺樹頭烟樓
臺遙隱躍我時乘舟來慘淡悲風嘯四望盡蘆
荻皇問不與稻哀哀寡婦哭秋原影堪吊日暮
心魂蕭條光銜山嶽

寒夜

冬夜淒以長寂寞絕人境涼月薄帷幕荒庭交
樹影寥寥寒析鳴熊熊孤劍冷擁被不成眠森
沉萬慮永早歲乏深智凌厲思一騁遂爲世網
牽甘心逐蛙黷人生不百年哀樂在所領貧賤
各有適豈必勒鐘鼎愁來憶古人見機若不猛
含恨當語誰淚下如修綆

舍弟廉至都

弱冠生計拙低頭狗微祿十載客京華夢寐隔
親族秋風遲汝來如對諸伯叔挑燈話良夜一

一心爲觸天矯池上松蕭疎籬下菊厨中魚常
鮮甕頭酒初熟佳節誰先醉明月或同宿北郊
有別野我父手所築別來曠歲年憶想時在目
桃李莫輕折園丁宜時督汝昔慕俠烈比聞就
約束茅茨可以居何必取華屋硤确可以耕何
必厭梁肉天道有盈虧君子貴諄穀拙哉比隣
子窮老事積蓄

懷古

日夕登高臺云是昭王墓野雪蓋枯草下見征

人路霸圖既銷歇山河亦已故徒有黃金名千載令人慕

燕市豪俠宿擊筑事屠狗酬恩借一言殺身常恐後我有平生劍芒寒夜觸斗含笑當贈誰感激空在手寥寥今千年斯人不復有

追懷五百字

愁來味所適。咍咍歲月長。短衣不掩膝。日暮纏風霜。撫事感百慮。歷亂攢肺腸。昔余墜地時。微願在四方。雖乏濟世姿。妄欲効贊匡。况遭天下

亂不忍卽徜徉中道罹禍患理數或相妨
三靈逝蕭蕭悲白楊遂使寸草心無由報春光
弟妹未長成幼小誰扶將流離強因人隱忍情
內傷有似失巢鳥哀鳴聲遑遑乾坤莽回互慘
淡日月黃妖星動宸極赤羽插雕梁明明天子
國鞠爲戎馬場回首橋山松萬古涕浪浪豈少
諸大帥纍若佩貂璫麟玉會登壇賊來不敢當
毒蛇恣吞噬曠野多豺狼潛身匿下里恐懼如
探湯家業旣蕩盡吞聲行裝糗徒跣如冰雪中

夜慨以懷。皇天重驅除。盜賊不終狺。滿洲十萬
茲。號騰若雲。一洗鯨鯢穢。復覩日月光。草昧
經綸始。稍稍力紀綱。從龍皆老成。邁軸無留良。
詔許蓬華士。縣官爲促裝。公車旦夕駕。無乃太
卒倉。是時家初破。饑臥凍欲僵。但與沾微祿。未
便慎隄防。含淚別親友。亦覺謀未臧。朝廷重
文學。翰林實國昌。謬以燕石質。比美於琳琅。朝
隨同學子。聯翩步玉堂。盍簪拜先師。問道儼循
牆。日走前輩門。屏立自矜莊。忸怩對僮僕。枵腹

事文章十日一朝尊也。役陪駕行。敝裘厭羸馬。取笑街頭侶。雖無多周旋。日見雜亂忤。常將形問影。初志云何意。我家漳水南。別業在廣羊。自從遭羈絆。故壘但空桑。子弟婚嫁乖。親戚盡老蒼。昨日寄書來。苦道田地荒。何如早歸去。披髮耕山岡。

遊嵩岳偶紀

乾坤結奧區。灝氣宅靈元。羣峯皆內向。屹然成一尊。混混烟嵐合。終古白雲屯。彷彿鬼神朝。倘

恍肅心魂對面少室開拱立如弟兄三柏自何
代老橫盤地根冷冷天風吹似有聲響吞下馬
剔殘碑纏藤雜苔痕干戈頽金碧琳宮無一存
怪石當路伏攫挐虎豹蹲鳴泉聒暗壁緣崖被
蔥蘢的皪野花明鳥雀滿巖喧一僧嶺頂來負
擔行步奔暫竚詢所歷手指翠微樊策杖望絕
巘飄渺隔天門我欲從之遊徙倚已黃昏

山行遇雨

栖栖苦無成中年嬰世務行役安得辭鷄鳴廣

往路陰雨感天時險夷信所遇振衣陟重岡
蹉跌無安步輿夫怨塗泥招呼何暇顧滴瀝聲轉
急千峯起烟霧風來麥浪翻綠波飛鷗鷺山花
隨意開瑣細不知數衆壑響驚濤丁丁石橋渡
牛羊下高巖樵牧隱深樹旅途雖云勞亦復賞
幽趣行行至前村燈火時已暮

硤石

凌晨過硤石土立如深壁昏旦虧陰晴天光窺
一隙積雨泥淖滑行人苦逼窄牽扶強登涉僕

馬頗極力弛高眼初放萬壑明歷歷合沓遠近
青負勢各爭出嶺頭瀉飛泉崩奔若雷激蒙茸
草樹豐鳴鳥聽不一峭絕千仞崖戶牖當疊關
嵌空架數椽束縛還相汲稚子類猿猱見人滿
巖巢當時避寇亂久因托家室吁嗟乎鮮民何
年脫險厄近聞多虎患白晝恣吞食天使人獸
爭安敢不戰慄岐子望前途足跣空愁疾

入棧紀行

棧雲易爲雨朝行蒙霧露崖樹架連橋奔瀘瀾

石怒攀緣爭一罅
陂陀馬足誤山禽
鳴翠屏幽陰衆壑
赴始知所歷高下
見夜來路壯懷在
馳驅漫自賦感遇

客子悲遠道旅途
未遑安整裘凌晨
發帶雨度柴關灘
石相激聒雲生暗
峯巒步滑屢歛仄
衣濕幾時乾強顏
慰僮僕談笑輕波
瀾中情默自傷胡
能駕羽翰

棧深雷雨驕溪喧
愁無寐積霖困荒
村屋破苦風吹蕭
條晨爨艱恒饑色
憔悴人馬雜坐臥
相

對發長喟起視山頂雲縷縷生烟織重陰俗難
開借此陽光闕

雪浪石以予瞻得名魏石生年丈雪後望
西山曰此雪浪山也作詩屬余和之

亂石槎枒古北口怪雪吹山山勢走千巖萬巖
何天矯天吳鼓鬣老魚吼絕似眉水結又如碧
海移耳邊已聞驚濤怒眼底常見堆琉璃蒼乳
蹴躑數百里噴珠濺沫鞭不起中有雲氣隨變
化晶光騰掉鱗甲裏肯有髯蘇氏得石名雪浪

卽以顏其齋作銘坐相向吾友石生更好奇每
對西山發浩思雪後迴視忽大叫高懷應荀子
瞻期風塵瀕洞道路艱泥污車馬滿市闌安得
攜手在巖間劇藥餐霞弄潺湲來在空明豁心
顏

毛將軍贈刀行

將軍意氣誰與倚錦衣貂帽紫驂騮俄頃往往
決大計雄畧何殊班虎頭慷慨憐余稱同調握
手相看忽而笑脫贈寶刀如有神良工動色嗟

光耀虎氣龍身寧以藏風雨時時開騰驤誓以
精誠托俠士羞將奇貨炫明堂男兒各有封侯
志世間何多不平事好歸匣裏莫常開他日中
原爲君試

始皇墓

祖龍專雄山鬼蹙發徒穿墮殷山谷木石驅盡
天爲驚血污遊魂聞晝哭茫茫何處問神仙魚
燈不滅照黃泉銀海金鳧一朝閉石馬無聲泣
斷烟當時氣勢如坑虎六國平來誰敢侮豈知

身死阿房焚寂寞驪山一抔土君不見漢文陵
墓亦荒涼路人下拜每徬徨夜來無教高丘詔
風雨時時怨始皇

過戚畹廢宅

太息主人去空堂掩綺羅春風翻石燕夜雨泣
銅駝客散君恩盡臺荒鬼怨多傷心千載恨涕
淚向山河

金山寺

峭壁開初地中流瞰大江濤驚逆石走佛怒喝

潮降雲木圍僧榻龍雷護法幢青蒼望不極終
古自淙淙

危磴何年寺江流不肯平金天開一劃龍背湧
孤撐鐘動雲生巖瀾廻石有聲薄遊欣得托小
憇道心清

鏜鏘波聲急蒼茫石徑微佛樓迎浪活塔影射
江飛渦轉喧僧渡雲腥潤客衣偶來如有悟鷗
鷺本忘機

舟發錢塘看嚴陵一帶山水

泛泛巖陵棹無山不水源行人聽石竊舟子報
潮痕岸斷深藏路峯迴遠認村掛檣風正利漁
唱不聞喧

瞬目看山過谿衍晝欲暝崖懸掛瀑白石老溜
痕青人語翠微落松風天際冷奇情不可駐飄
渺隔仙扁

峽束江流壯陰森別有天高峯虧晚照古竇沒
寒烟客屐雲光濕人家樹杪懸平生耽幽勝未
敢廢魚緣

合沓峯容異空濛三氣流水環烟作寺山遠竹
爲樓嵐影經時幻猿聲入夜稠孤舟何處泊浩
蕩客心秋

仙霞嶺

地氣東南盡天根老此疆浙閩分巖頂江海限
津梁峽緊風濤怒山深雷雨藏奇遊看不厭俯
視但蒼蒼

威遲盤硤路百里白雲封古洞綠苔鼠靈湫戰
老龍仙衣晨見舞石杵夜聞舂何日幽棲遂松

卷之三
喬會此逢

宿山寺

曉鐘投野寺客意憚蒼涼
巖壁禪燈暗花龕佛火荒
盤藤懸古月老桂發山香
幸就山僧榻俗緣得暫忘

延平早發寄答周元亮

王程催去棹曉色動波瀾
好友難爲別名山只借看
相思橘柚渺有約荔枝寒
風雨梨關道何由駕羽翰

使回東丁野鶴

江南殊物候久客苦淋浸風軟花爭媚潮多氣
易陰孤舟芳草路細雨碧山心遲爾何山至蕭
條空自吟

謹梅

爲憐臘後約不借一枝看煖室香偏麗蓬門影
獨寒難隨高士駕莫逐凍驢鞍空有凌霜節憑
誰結古歡

暑中答野鶴

尚餘孤壁在強半是君詩雨歇山青後香殘月
上時冰霜清暑夢海嶽老雄詞此意今人薄惟
應靜者期

夜雨

官冷閑於寺幽居不近名挑燈尋舊緒聽雨坐
深更暗牖低龍氣空堂度鴈聲興來何所事午
夜有詩成

雨後宋玉叔過談

宦拙無人訪招尋剩有君莠苔初破屐笑語欲

生雲幻影池光靜
攤詩花氣熏
雄談渾不忌海
岳足奇聞

秋病

伏枕看霜露偏驚旅宦情
乾坤高病色身世老
秋聲籌國憑人借忘機任衆爭
但能安薄祿未
可歎無成

喜申鳧盟至都門

意外勞相訪秋風人正閒
喜深無一語驚定始
開顏款款悲霜鬢遲遲話故山
長安非昔日莫

畏鶴書還

不堪今夕會重憶亂離初人老干戈裏交存生
死餘山川幾命駕涕淚共裁書十載還耕約相
看愧發疎

哀流民

婦子嗟何計飄流未忍分全家依亂草痛哭等
秋雲征稅煩羣吏殷憂荷聖君當今誰鄭俠
早遣繪圖聞

落暉

一官長自笑竟日掩雙扉多病心空壯無家夢
不歸倚簷看鳥過仰面觸蟲飛吟望終何事西
山又落暉

開亭

好靜官程恕開亭物外蹤讀書秋少睡服藥晝
多慵樹淺驚棲鳥窓低載半峰肩憂非我事微
願學爲農

高臥

官貧人事少高臥養愚慵獨掩一庭雪遙聽何

寺鐘開心開藥裹旅食媿村農漸覺浮名累吾
將愜所從

春日閒居

人閒天意靜幽興滿吾廬藥銚春時後甌香午
夢餘尋山常愛畫懷古剩翻書只此堪容懶浮
名漸欲疎

同魏石生年丈過張永舒園林看花留飲
成醉

密坐意何適淹留卜夜聞樹聲喧鳥墜燈影裏

花安醉舞拖藤杖狂歌側簪冠芳時朋好在莫
問寺鐘殘

病中過魏石生年丈值其亦病遂訂西山
之遊

疎拙兩人在何堪病亦同閉門新事淡伏枕舊
圖空共指西山霽遙憐秋樹紅扶筇應有待絕
莫畏霜風

秋日閒居

豈意成頽放雄圖事已虛時平宜酒酒宦拙漫

裁書秋月堪酬客青山不負子遙空霜色冷
滯歎居諸

搖落

沈寥天氣靜風景起離憂雁叫龍沙月霜飛鹿
塞秋短衣垂老淚遠夢結鄉樓萬事同搖落
人呼馬牛

午出東闕散步松林下

退食松陰午長林枕御溝鳥鳴宮漏靜蟬噪樹
風秋赤日流雲氣青山壓鳳樓承恩陪侍從緩

步每遲留

秋聲

不覺聲搖落
層幃納晚晴
看花秋慘淡
步月夜虛明
露冷蟲多語
雲深雁有聲
憂來堪獨寤
肅肅旅魂清

閒門車馬少
鄙性合幽居
虛閣朝臨帖
秋燈夜讀書
未能輕絃冕
安敢憶樵漁
潦倒年華變
驚看綠鬢疎

傳說魚池地
金元有舊銘
興亡時已易
歌舞昔

負經老樹壇墮黑殘陽壁壘青依違堪玩世無
用泣新亭

惆悵前朝事秋來思不勝青山園故國白露下
諸陵禮樂存遺逸興亡問老僧異時誰載筆涕
淚傳蓑弘

秋聲何處至一夜送寒潮月暗蟬螭塞雲沉蟬
疎橋深巖棲老衲古木響山樵此意無人識空
齋客夢遙

秋螢和魏環溪

蕭條堦砌冷，望裏自依稀。
帶月流光小，穿籬落照微。
輝輝明客眼，故故上人衣。
寄語西風早，凌霜試一飛。

熠熠誰名汝，偏於晦處明。
遠欄疑有色，度幕欲無聲。
隱見金光閃，飄飄玉宇輕。
推遷感物化，腐草盡生成。

入晉行山中

百轉山重障，高低砂石中。
人家雲外住，行客嶺頭逢。
耕鑿存唐俗，牛羊占晉風。
憑輿聞歎息，何處見遺踪。

處有哀鴻

蚤發盤陀驛

脂車未暇緩侵曉發盤陀况瘁僕夫嘆喧呼驛
使訶砂灘鳴雪籟土屋傍巖阿宛轉風塵裏前
途定若何

雪霽山中晚行

愚輿資遠眺曙色指朝暾春雪雲邊寺孤煙山
下村殘鐘驅客夢冷雁喚征魂何似林居子高
齋尚閉門

山行

迤邐層阿險攀緣躡石梯山頑不受樹澗束故
藏谿決背看人小摩崖覺日低纔從東嶺下前
路又烏啼

中秋夜雨樓集

莫虛今夕賞風雨一登樓疎樹侵瑤席明燈照
碧流百門秋氣老直北野雲浮何事周南客中
宵歎滯留

遊百泉

不謂風塵客相從到百泉山空疑作雨林密欲
爲煙亂石當樵路平流散渚田薄遊堪取醉好
向水亭眠

登頗勞心目如從畫裏行松驕盤石險雲靜蕩
波平孤嶼採菱唱深巖伐木聲低回幽興愜得
句不書名

露下寒空淨粼粼見石湖環山風雨葉隔岸水
穿蒲簪葭何年謝烽烟此地無臨流真足慕泛
泛渚中鳬

夕山秋色暝潭底幻明霞白動千巖月紅垂兩
岸花斷橋通寺徑古木隱人家獨羨持竿叟清
寒立釣槎

贈馬布庵

高居被服蒼頭白孝廉郎看畫雲生戶攤詩笛
在床花飛浮酒綠茶沸動甌香有客時相過淹
留數不妨

晚征

蒼茫野色暮惆悵欲何之隘巷牛鳴鐸荒村犬

吹籬人歸山市靜月上夕林遲明發遙相望風
煙不可知

旅夕風雨

旅夜愁霖濕征人苦未閒驚風疑動地怒雨忽
移山孤枕遲鄉夢寒燈冷客顏擁裯渾不寐離
恨與潺潺

卽席酬翁藏若送別之作用燕又韻

送別春城路依依草樹滋青山常作客白首各
違時慷慨同誰賦風流亦我師心期千古在不

必向人知

藏名人不識風雨老雄吟花落他鄉淚鶯逐故
心尊前愁易破客裏病常侵鴻雁歸時去孤
只自深

何翁藏若馬菜史何仲端李簡臣梁曰晉
遊超化砦

峭壁千尋上人家已定居春秋迷漢臘鷄犬是
秦餘堂豁堪娛老山深好著書一椽如肯借不
異在吾廬

密縣白松

相傳爲皇帝塋三女處

老樹何年植軒轅事有無霜紋飛素雪鐵榦冷
棲鳥赤日風雷急空山魍魎趨榮枯應不到天
地任荒蕪

少林寺

古寺雲深處山圍面面峯鳥鳴金澗竹風落翠
微鐘斷碣封蒼蘚長廊倒椎松往來看不厭昏
黑更扶筇

初祖菴

落日披縈入空山若有人片峯留色相石有達摩像相

傳爲面壁時所遺

孤樹老龍鱗

庵有樹云是六祖手植

崖暝烟嵐

障庵荒虎豹隣誰將一葦渡到處是迷津

入山懋莎蘿坪

一路灣環入花香啼鳥催濤驚翻雪浪石老臥
青苔猿飲空中挂樵歌雲外來幽栖吾所欲隱
者莫相猜

登華山

陰森天闕近風雨肅精靈九服崇禋祀千秋昭

卷之十三
鴈馨玉珥迎翠蓋仙樂響雲輶冉冉隨煙霧迴
看下界冥

金天分氣象獨立俯諸山洞黑神飈發崖昏紫
霧環蒼龍生足下仙掌出雲間欲喚希夷夢重
來叩大還

漢丞相武侯墓

定軍山下路丞相有孤墳故國空流水荒阡足
夜雲君才自十倍天意竟三分行客年年過鶯
啼不忍聞

漢中感懷

漢南猶未定兵亂見蒿萊雨漲蕭何堰風高韓
信臺江山銷霸業日月老雄才底事龍川水東
流竟不回

金牛驛

蜀山方恃險漫道五丁開鐵騎飛常過金牛去
不來烽烟劍閣開迥殺氣錦江催可笑公孫輩徒
稱割據才

登舟

輕裘凌曉霧江氣入舟寒
鳴櫓催殘夢揚舲下
急灘厓深青兇伏沙靜白鷗乾
自笑狂遊誤萍踪獨未安

江峽迷南北孤帆信遠風
欹斜看牒子款乃聽
篙工破浪烏僂疾維舟野
爨同緣流山色暮停棹宿空濛

中宵雷雨集蕩漾客心驚
枕上魚龍氣洲邊戰
鬪聲鄉書天易斷匣劍夜
空鳴擊楫愁難寐飄飄第幾程

入蜀

幾黎嗟爾在 cities 幾人過世亂漁歌
隱廬荒虎跡多青山供涕淚白日度
干戈中野餘鴻鴈勞來事若何

空樹

兵荒時幾易樹老已無心不識興亡事
何愁霜雪侵林枯看石立風動聽龍吟
應有胡僧到空山趺坐深

春燕

飄泊來何處呢喃如話歸穿花迷綠影掠雨弄
春輝故里巢難定雕梁願易違年年愁作客須
汝好相依

晚坐納涼

向夕披襟坐清齋靜見聞蕉聲晴送雨江氣晚
蒸雲樹裏明河落籬間白月紛蕭蕭殘暑薄寂
歷欲何云

途中示弟謙及兒履吉徵吉

淒涼幾相見那知岐路逢客床眠聽雨僧舍午

聞鐘病久形骸老愁多世事慵到家應計日懨
愧說行踪

垂氣傷天末歸來是再生江山父子淚風雨弟
兄情池草連朝長庭槐昨夜榮登堂悲喜集不
用問浮名

贈丁野鶴

十年踪跡混風塵尊酒逢君意氣親天地有情
容落魄江山無恙對高人談心燕市鬚眉古倚
棹津門涕淚頻聚散此生難自料肯教雙劍老

龍鱗

惜梅

粉褪梅心帶淚痕，支離誰解護花魂。
烟沉湘浦香生夢，月暗羅浮影到門。
畫閣有情愁歲暮，綠窓無語怨黃昏。
何人一夜吹長笛，零落江南雪滿村。

漁村問渡

落日維舟一問津，西風颯颯動秋蘋。
穿林乳犬知迎客，隔水癡兒欲趁人。
隣婦煮魚供野饌，估

兒撾鼓賽河神相期買宅同來此明月羊裘伴
釣綸

窮歲

桑乾河畔草蕭蕭極目蒼茫野色遙古路平沙
無過鴈長錢深雪有歸樵鹽車竟爾羈神駿金
屏何曾貯阿嬌底是倦還還未得小山叢桂可
能招

題宮紫玄春雨草堂

東掖傳經計已疎歸來爲築浣花居蒼山移石

供支杖春樹分陰照讀書竹外尋僧招野艇雨
中畱客摘園蔬荷衣未製吾將老乘興何年共
結廬

寄丁野鶴

夢老燕開鶴未還空餘勝地憶當年草堂得句
常携手蕭寺看花數拍肩家累久虛浮海約官
貧難寄買山錢空聞命駕人千里不借王猷半
夜船

秋懷

癖性年來萬事慵
耳將搖落寄行踪
羞斐愧買
新豐酒瘦馬愁聽
長樂鐘
遠道不堪懷橘柚
荒亭無那老芙蓉
交疎久已違人訪
蓬跣何妨恕不恭

前男邢西衆壑連誅茅
猶記倚山巔
何知晉魏
疑無世
未老鴻濛別有天
千澗遙從雲外落
萬峯長共室中懸
可憐數子追隨地
不見於今已十年

冬夜獨步忽有魏二石生之憶

空堦獨立近黃昏夜氣蒼涼靜客魂不耐蕭蕭
風送竹可憐皎皎月當門冥心忽覺霜鐘落倚
樹頻驚凍雀翻偶憶西街魏給事孤懷寂歷與
誰言

次喬文衣上元集春雪齋韻

佳節輕寒雪作花
圍爐小閣隱燈紗
客懷易感難成醉
老友相看卽是家
但遣金門聞白日
何須絕域問丹砂
可憐此夜笙歌劇
握手同驚兩鬢華

敝園春晚

暉暉初日照籬根
早見春光動敝園
靜念榮枯隨草木
閒齊得喪付朝昏
一編入手常懷古
萬壑當窓獨閉門
咫尺桃花渾不識
人間浪說武陵源

舍弟至話故山

纔說家園雙淚霏
淹留深悔宦遊非
龍沙古戍人將老
秋水閒庭夢未歸
岐路烽烟常不定
異鄉兄弟暫相依
何時得果垂綸願
霜滿蘆花坐

釣磯

寄山西殷伯巖申鳧盟

緇塵不見鹿皮冠
歲暮相思雨雪殘
羸馬衝沙吾獨笑
藜牀索句爾同看
官貧漸喜經營少
老至真慚去住難
莫便移文稱謝客
如今大隱是長安

題畫

夕林一帶枕山岡
連屋編茅樹隱牆
稚子緣溪收棗栗
歸人隔嶺下牛羊
行行似覺仙源近
去

去空留鶴夢長安得置身巖壑裏科頭高臥到
羲皇

送孔心一按吳

繡衣初試惠文冠驄馬如雲一路看勝覽姑蘇
吳岫迥平臨北固大江寒閭閻漫苦征求切父
老驚傳法令寬南顧敢忘勞聖主天門咫尺
是長安

送張晦先按粵

秋風迢遞五羊城慷慨何辭萬里行躍馬頻年

烽燧逼揚舠此日海塵清島間蟹戶迎征蓋嶺
外梅花促使旌極目天涯鴻雁少蠻烟瘴雨足
離情

秋夜感述

秋生雙闌動悲筇寂寞閒亭夜不譁明月夢回
千里照寒燈霜照一籬花才疎未許投時好客
久何堪領物華十載金門渾欲老自傷留滯已
無家

投老

名塲歷盡憂猶酣投老其如七不堪斜雨斜風
淹薊北好山好水憶江南飢驅元亮荒三徑病
苦維摩寄一龕誰道陸沉金馬穩疎慵只合早
抽簪

秋雨再渡黃河

河流東望接微茫飛盡重過天正霜細雨虛洲
人待渡西風短棹客鳴榔野禽掠水衝烟白秋
草垂花夾岸黃歷盡波濤還此地瀟瀟疎柳濕
行裝

秋興

蕉堂編竹敞朝暉
吏事無多獨掩扉
薄宦經時惟臥病
孤臣九月未成衣
天當絕域相逢少
座對名山不醉非
到處干戈悲轉戰
桃源何地好圖歸

幽徑蒼苔木漸凋
筍鞋棕帽任逍遙
每憐秋色晚除架
爲愛雨聲多種蕉
旅食不須彈匣劍
遠遊誰許伴山樵
閒居招隱知何日
自古丘園托治朝

他鄉風雨草萋萋老眼何堪逐望低秋院樹深
鴉鴿叫江城花落竹鷄啼巴人權稅輸鹽井蠻
戶燒畬穫稻畦職在旬宣無寸補空憐涕淚到
殘黎

晚春卽事

花落閒庭春事闌主人長日但加餐竹間路好
披雲入窓裏山宜帶雨看半簾殘書畱過目百
年衰鬢罷彈冠蕭條莫厭交遊冷逆旅悠悠蜀
道難

過江上人家有感

小徑迴塘沙石橫人家曲曲抱荒城半扉雲掩
深秋氣千尺江流斷崖聲舟到屋邊牽細纜客
來花下擣香秔如何歲歲頻征戰賦飲時聞吏
夜驚

述懷

南北飄流一葉輕漫將出處問平生居今方信
天難恃弔古常疑史未明衰病山川慙識路壯
遊書劍悔多情只應閉戶搗佳醞沉醉終年不

解醒

贈魏子存任成都

絕域三年此見君，每從坐次賞奇文。柳洲春酒

詩人社

子存遺我柳洲詩集

梅里秋風高士墳

嘉善有吳仲珪墓在

梅里世所謂梅花道人也

夜夢吹殘千岫雨，曉裝濕盡一溪

雲。成都舊是繁華地，俯仰應悲麋鹿群。

題畫

樹裏半開門，兒童報客訪。搗藥兩忘彈，坐聽松

風響。

見山堂秋曉

曉起坐空堂寒花垂白露科頭懶讀書閒倚籬
邊樹

題李五絃亡姬遺像後

嫋嫋芙蓉秋可憐兒家幽慧倩誰傳館娃築後
無西子明月空歸范蠡船

明妃詞

滿地笳聲夢裏疑覺來猶似漢宮時玉顏不遣
君王問恨少黃金買畫師

阿嬌怨

夜捲珠簾霜色繁
沉沉宮漏咽長門
雙蛾不肯隨人畫
買賦何由感至尊

班婕妤

玉輦辭來事不同
獨憐團扇畏秋風
殷勤寄語承恩者
莫放紅顏損鏡中

過魏環溪可亭畱飲深談

蕭蕭蓬徑易招尋
風雪相看共此心
門外軒車應不到
清談常是坐燈深

桂菴詩句敵秋雯凌許清詞亦不群驚起同君
澆酒讀滿窓風雨葉聲聞

萬點蒼山雉堞齊鴈門開外草淒淒獨憐李牧
還祠廟零落殘鐘臥澗溪

曹子存孤托死生感君爲賦古交行如今此道
成輕薄不是黃金不定盟

憶周茂山

遙指孤帆一月程榴花開遍蓼花明思君夢綠
錢塘水聽到江猿第幾聲

贈溫獻之

相逢涕淚且停揮
城闕蕭條夢裏微
唯有青山常不改
月明時見鷓鴣飛